



MEDICAMEN- TORVM OFFICINIS

Pharmaceuticis Reip. Augu-
stanæ vſitatorum.

CLASSIS QVARTA.

ELECTVARIORVM

ſolutiuorum mollium ſtructu-
ram comprehen-
dens.



BENEDICTA LAXA- tiua Nicolai.

☞ Turbith electi,
Sacchari. ana. drachmas decem.
Diagrydii,
Eſulæ præparatæ,

O 3

Her-

Hermodyctylorum,
Rosarum ana. drach. quinque.
Caryophyllorum,
Spicæ Indicæ,
Zingiberis,
Croci,
Saxifragiæ veræ,
Piperis longi,
Amomi veri, vel eius loco Asari,
Cardamomi minoris,
Sem. Apii,
Petroselini,
Granorum Solis,
Fœniculi,
Asparagi,
Carui,
Rusci,

Salis Gemmæ,

Galangæ,

Macis ana. drachmam vnam.

Mellis despumati optimi quantum satis est,
seu libram vnam semis.

Fiat Ele&uarium, vt est artis.

Humores pituitosos ad articulos potissimum
decumbentes elicit. Colicis prodest, ad quo-
rum Enemata plurimum expetitur. A renibus
quoq; & vesica purgat, sed in calida causa ab
eius usu desistendum.

Esu-

E Sulam aliqui omittunt, quam tamen auctor decem drachmarum pondere in hanc confectioem recipit, prout Fuchsius ex Nicolao tam Latino quam Græco notat. Nobis Medietas sufficere posse videtur, vnde drachmas solummodo quinq; apposuimus. Debet autem ea nequaquam, nisi debitè prius præparata, Medicamento huic indi; cuius correctione, præparationemque suo loco require.

Pro Amomo, cum eo careamus, Asarum substituiamus, ut quod præter ceteras quas habet facultates, purgatoria sua vi paulo valentius Medicamentum sit redditurum. Alii Cyperum, aut Calamum Aromaticum eius loco accipiunt, quod nec nos improbamus.

DIABALZEMER, SEV Electuarium senatum, Renodæi.

R. Rad. Cichorii,
Buglossæ,
Polypodii quercini,
Cort. rad. Capparorum,
Graminis,
Glycyrrhizæ ana. vnciam semis.
Passularum Corinthiacarum drachmas
sex.
Adianti, O 4 Hæ-

Hæmionitidis,

Ceterach,

Cuscutæ,

Artemisiæ,

Fumariæ,

Agrimoniæ,

Beronicæ,

Melissæ,

Florum Genistæ,

Violarum ana. manipulum semis.

Coquantur in libris sex ad medias: in colaturæ
libris tribus infunde, & coque.

Foliorum Senæ vncias quatuor.

Hellebori nigri præparati,

Turbith optimi. ana. vnciam vnam semis.

Caryophyllorum drachmas duas.

Sem. Dauci,

Coriandri. ana. drachmam vnam semis.

Bulliant ad consumptionem tertiæ partis, co-
laturæ addendo.

Sacchari libram vnam semis.

Coquantur supra consistentiam Syrupi, cui
permisce expressionem,

Vnciæ semis Rhabarbari optimi in aqua cha-
lybeata infusi.

Senæ puluerisatæ vncias duas.

Lapidis Lazuli præparati,

Cinamomi. ana. vnciam semis.

Sassa-

Sassafras vnciam vnam.

Rad. Pæoniæ,

Tamarisci cort.

Epithymi,

Cort. median. Fraxini,

Sem. Agni Casti,

Nigellæ Romanæ,

Spicæ Indicæ. ana. drachmas duas.

Anthos,

Stoechados. ana. drachmam vnam.

Fiat Electuarium.

M *Trum in modum conuenit Lienosis, Melancholicis, Hypochondriacis, Maniacis, Epilepticis, sine febre delirantibus, passionibus hystericis, sædis viduarum coloribus, Elephantosis, scabiosis, & Indica lue, vel Venereo morbo inueterato laborantibus.*

DIACARDAMVAR. noldide Villanova.

Specierum Diatragacanthi frigidi vnciam semis.

Pulpæ Cydoniorum vnciam vnam.

Medullæ Cartami vnciam semis.

Zingiberis drachmas duas.

Diagrydii drachmas tres.

Turbith albi drachmas sex.

Mannæ drachmas duas.

O 5

Mellis

Mellis Rosati colati,
 Sacchari Candi ana vnciam vnā.
 Hermodactylorum vnciam semis.
 Sacchari albi in aquâ Boraginis dissoluti vncias decem semis.

Fiat Electuarium liquidum.

F *Laua bili, ac pituita educende mirificè prodest, & ad omnes affectus e mixta cum bile pituita provenientes efficax est. Mixtis itidem Podagris, Hemitritao, Paralyſi, ac Cephalalgia succurrit.*

C *Ydoniorum Pulpa Saccharo condiri debet, in cuius vsum Cydoniarum nostrum rectè succedit, & cum Manna ac Melle Rosato solutum colatur per stramen: quæ omnia Saccharo postea paulò vltra quàm Electuario cōuenit, cocto simul trita & colata cum pulueribus adduntur. Diagrydium tamen per se terendum.*

ELECTVARIVM DE Citro solutium.

℞ Cortic. Citri Pomi condit.
 Conseru. Boraginis.
 Buglossæ,
 Violarum. ana. drachmas quinque.
 Specier. Diatrageanthi frigidi,
 Diagrydij. ana. vnciam semis.

Tur-

Turbith optimi drachmas sex.

Sacchari albi in aquis Cordialibus dissoluti

Fiat Electuarium (libram vnā).

Electuarium hoc à Guidone de Cauliaco Tractatu septimo de Purgatione desumptum, bilem ac pituitā euacuat, idem ferme prestans quod Diacartamū Arnoldi, nisi quod gratius sit. Addit verò Guido foliorū Senae drachmas quinq̃, ac inde tabellas conficit pondere vncie dimidiæ, quæ Medicamenti febribus Tertianis, ac Hemitritais, corporis itē malo habitui, visceribusq̃, excrementosis profuturi, pro virium tamen ratione, Dosis esse solet.

ELECTVARIVM EPI- scopi, quod Eleseoph appel- latur Mesuæ.

Diagry dij,

Turbith. ana. drachmas sex.

Caryophyllorum,

Cinamomi,

Zingiberis,

Myrobalanorum Emblicorum,

Nucis Moschatæ,

Polypodij. ana. drachmas duas & semis,

Sacchari vncias sex, (cem & drachmā vnā.

Mellis despumati triplum, id est, vncias de-

Fla-

F Lauam bilem, ac pituitam elicit, status & excrementa è toto corpore educit, ob id doloribus articulorum & hypochondriorum prodest. Colicis item cruciatibus mirifice auxiliatur, ac humores ad renes, & vesicam decumbentes expurgat. Pulvis tamen est potius in usu aut confectio solida, quorum utrumq; si efficacius habere, ac ut in minore Dosi eodem effectui exhiberi queat, efficere volueris, pro Sacchari vnciis sex cum Cordo & Coudenbergio Sacchari drachmas tantummodo sex legito.

CONFECTIO HAMECH, major Mefuæ.

Myrobalanorum Citrinorum vncias quatuor.

Chebulorum,

Indorum,

Rhabarbari Electi. ana. vncias duas.

Agarici,

Colocynthis,

Polypodij. ana. drachmas decem & octo.

Absinthij,

Thymi,

Senæ. ana. vnciam vnam.

Violarum drachmas quindecim.

Epithymi vncias duas.

Semi-

Seminum Anisi,

Fœniculi,

Rosarum rubearum. ana. drachmas sex.

Succi Fumiterræ libram vnam.

Prunorum numero sexaginta.

Passularum enucleatarum vncias sex,

Macerentur omnia in sero lactis caprini sufficiente, in vase vitreato, angusti orificij, bene obturato, in loco tepido per dies quinq;. Postea ferueant vnâ aut alterâ ebullitione, manibus fricentur & colentur: colati parte aliquâ seruata pro Mannâ diluendâ & Pulpis extrahendis residuo adde.

Sacchari albi libram vnam semis. Dissoluantur in infusione feruefacta & colata, & ad justam consistentiam decoquatur: deindè adde Mannâ electâ cum superiore decocto dilutâ vncias duas.

Pulp. Cassiæ vncias quatuor.

Tamarindorum vncias quinq; Redigantur simul ad justam consistentiâ: deindè paulatim subsequentes pulueres insperge, rudiculâ semper agitando,

Scammonij præparati seorsim in puluerem redacti vnciam vnam & semis,

Myrobalanorum Citrinorum,

Chebulorum,

Indorum. ana.

vnciam

vnciam semis.

Belliricorum,

Embllicorum.

Rhabbarbari,

Sem. Fumiterræ ana. drachm. tres.

Anisi,

Spicæ Indicæ ana. drachmas duas.

Fiat Electuarium, vt est artis.

V *Tramq̃ bilem & pituitam salſam purgat, ob id morbis inde natis, Imperigini, Scabiei, Elephantia, Cancro exedenti, & ſimilibus morbis mirificè conſert; unde omni ſœditate à bilioſis & aduſtis humoribus procreata quàm maxime conducit. In Quartanis feliciter datur cum Hellebori decocto, vel infuſo, quorum vtriuſq̃ deſcriptionem ſubiunximus.*

INFVSVM HELLEBORI.

℞ Corticum rad. Hellebori nigri præparat.

Sem. Anisi,

(drachmas duas.

Fœniculi. ana. drachmam vnam.

Cinamomi,

Caryophyllorum ana. grana tria.

Fiat infuſio ſ. a. cuius Doſis vnciæ tres.

DECOCTVM HELLEBORI.

℞ Cor-

✱ Corticum Hellebori nigri scrupulos quatuor.

Sem. Anisi.

Citri,

Caryophyllorum ana. drach. semis

Fiat decoctio, vt est artis.

✱ Huius decocti vncias quatuor.

Hamech vnciam semis,

Syrupide Fumoterræ Compositi vnciam vnam.

Misce :

Datur in febribus Quartanis, & humoribus adustis, vt in Gallico & aliis.

Artificiosa est Medicamenti huius compositio, ideo in eius præparatione magnâ opus est diligentia, præsertim cū multiplex eius vsus existat, vnde à doctissimo Iohanne Baptista Montano Aurea confectio vocari meruit.

Pro infusione Simplicium Pharmacopœi plerumq; assument seri caprini libras duodecim, vel etiam paulo plus: videntur tamen duodecim libra, vel ad summum tredecim sufficere posse.

Notandum quoq; nos in hac editione Absinthii, Thymi, & Senæ. vnciam legendâ censuisse, ita enim habet Mesuæ, licet subiungat (in alio drachmas sex.) Ratio quoq; sic legendum esse monstrat: mox enim in Compositione

tione sequitur sem. Anisi, Fœniculi, Rosarum
rubearum. ana. drachmas sex, vnde sine dubio
auctor priora tria Simplicia, Absinthium nem-
pè, Thymum, & Senam, æquale cum his pon-
dus habitura posterioribus his cōjunxisset, &
sic vnâ serie omnium Dosin. æqualem definijs-
set, ne eadem ponderis quantitas vnâ in Com-
positione bis posita occurreret.

HIERA COMPOS- ta, Nicolai.

℞ Cinamomi,
Spicæ Indicæ,
Croci,
Schoenanthus,
Asari,
Xylocassia, aut Cinamomi exquisitissimi,
Xylobalsami, aut Ligni Aloës
Carpobalsami, aut Cubearum,
Violarum,
Absinthij,
Epithymi,
Agarici,
Rosarum,
Turbith,
Colocynthidos,
Mastiches. ana. drachmam vnâ, scrupu-
lum vnum. Aloës

Aloës non lotæ quantum reliquorum omnium, id est, viciās duas, drachmas quinque; scrupulum vnum.

Mellis despumati libram vnā semis.

Misce, fiat Electuarium.

Hiera hac, quæ & magna, & Hiera ex sedecim rebus dicitur (Mel enim & Aloë in Compositionibus hisce non numerantur) ad Eneumatū vsus valde est sollemnis: probe enim pituitam lentam, crassam, & frigidam intestinis adherentem eluit, jecoris obstructions liberat, lienis duritiem emollit, densitatem expedit, renibus & vesicæ humoris de turbatione proficit, vteri intemperiem emendat, capitis etiam affectus, oculorum & aurium grauedines à magno pituita lentore ortas iuuat, ventriculo demum benefacit.

HIERA LOGADII, Nicolai Mirepsi.

✱ Pulpæ Colocynthidos,
 Polypodij. ana. dracm. duas.
 Euphorbij,
 Polij Montani minoris,
 Sem. Thymeleæ, vel Coccognidij. ana.
 drachmam vnā semis, grana sex.
 Absinthij, (decim.
 Myrrhæ. ana. drachmam vnā. grana duo.

P

Cen.

Centaurij minoris,
Agarici,
Ammoniacy,
Folij, vel eius loco Macis.
Spicæ Indicæ,
Scillæ præparatæ,
Diagrydij. ana. drachmam vnam
Aloës,
Comarum Thymi,
Chamædryos,
Cassia lignæ,
Bdellij,
Marrubij. ana. scrupulum vnum, grana
quatuordecim.
Cinamomi,
Opopanacis,
Castorii,
Aristolochiæ longæ,
Trium Piperum,
Crocij,
Sagapeni,
Petrofelini Macedonici. ana. drachmam
semis,
Hellebori nigri,
Albi. ana. grana sex
Mellis despumati triplum, seu uncias de-
cem,
Misce, fiat Electuarium.

Mala

Mala Melancholica diuturna partim propulsat, partim transmutat appetitam instaurat, hilaritatem ac robur corpori inducens. Epilepticis, Vertiginosis, subuà concidentibus, spumantibus, linguam mordentibus, & convulsis auxilio est. Biliosis ac Elephantiacis inter initia conuenit. Feris item Impetiginibus, Lethargicis, Iecinorosis, & iis qui venena lethalia hauerunt, utilis est, ac Menses potenter mouet. Ischiadicis & lumborum dolore vexatis admodum competere creditur, diuturnis morbis à vitiosis humoribus obortis plurimum conferens. Expetitur potissimum in Enemata, ubi viscosos, crassos, lentos & tenaces humores euocare necesse est, raro enim superne exhibetur, licet aliqui nimis forsàn audacter eius Dosis à drachmis duabus vsq; ad quatuor ad summum sese extendere posse putent; qua de re perito cuiq; Medico valorem validorum purgantium Hiera huius Compositionem ingredientium consideranti, suum sit iudicium.

Pro Pulpa Colocynthis non in hac solummodo Compositione, sed in omnibus aliis Trochiscos Alhandali substituimus.

Thymeleæ, seu Coccognidii semina ubi defuerint, quæ tamen apud nos faciliè haberi possunt, his commodè substitui queunt Semina Laureolæ Germanicæ, quæ Planta nostris Zelandis

Iandi dicitur, easdem quas Thymelea, Chamælea ac Lathyrus vires habens.

HIERA PACHII EX NICOLAO ALEXANDRINO, QUÆ & DIAColocynthidos,

Stœchadis,
 Marrubij,
 Chamædrios,
 Agarici,
 Colocynthidos. ana. drachmas decem,
 Opopanacis,
 Sagapeni,
 Petroselinij,
 Radicis Aristolochiæ rotundæ,
 Piperis albi. ana. drachmas quinq;
 Cinamomi,
 Spicæ Nardi,
 Myrrhæ,
 Polij,
 Croci. ana. drachmas quatuor.
 Mellis despumati triplum, id est, libras duas, uncias nouem, & drachmas quinq;.

*Scribonius Largus de Compos. Med. cap. 97.
 Hieram hanc ad Pachium autorem refert, &*

miri-

mirificis laudibus in cœlum effert. Cum igitur
 tanta efficacia sit, & alij etiam qui eâ usi sunt, eius
 vires fuerint experti, in nostris quoq; Officinis
 hanc constructam & paratam esse volumus. Sa-
 nat enim morbo Comitiali correptos, furiosos, ver-
 tiginē laborantes, ac diuturno capitis dolore in-
 festatos: facit item ad lateris dolores, Asthmati-
 cos juuat, vocē amissam restituit, subitas prefoca-
 tiones, Incubum, convulsionem Cynicam seu Can-
 ninam dictam aufert. Datur iis qui ex alto lapsi,
 aut nervorum tensiones resolutionesq; passi sunt.
 Prodest item Articuli morbo, Spina ac lum-
 borum doloribus, item Podagra mirifice auxilia-
 tur, Durities in mulierum mammis cum dolore
 consistentes leuat, & interdum ex integro sanat.
 Stomachicis mirum in modum confert, remedio
 est iis quibus cib⁹ in ventriculo acefcit, quiq; nau-
 sea assidue infestantur, ac saliva abundant. Me-
 lancholicis autem præcipue benefacit. Carcino-
 mata & Cacoëthe curat.

ELECTVARIVM IN- dum Majus, Mesuæ.

℞ Cinamomi,
 Caryophyllorum,
 Spicæ Indicæ,
 Rosarum,
 Cassiæ lignæ veræ,

P 3

Ma

Macis,
Cyperi rotundi. ana. vnciam semis.
Santalorum Citrinorum drachmas duas
semis.
Turbith optimi vncias sex, drachmas duas.
Ligni Aloës,
Nucis Moschatæ. ana. drachmas duas.
Sacchari,
Penidiorum. ana. drachmas viginti,
Galangæ,
Cardamomi majoris,
Minoris,
Asari,
Mastiches. ana. drachmam vnam semis.
Diagridij vnciam vnam semis.
Omnia terantur, & cum Oleo Amygdalarum
dulcium fricentur, & cum subsequenti Syru-
po conficiantur.
Succorum depuratorum Apij,
Foeniculi,
Cydoniorum,
Granatorum. ana. libram semis.
Mellis despumati optimi libras quatuor
semis.
Decoquantur Succum cum melle ad spissitudi-
nem iustam, vt est artis: deinde
misceantur species.

Putri.

Pitridorum humorum maxime verò pituitosorum excrementa à ventriculo, & alijs partibus nutritioni seruientibus educit, ac crassos in iis flatus discutit, unde etiam vitia hinc nata, inflationem, nempe ventriculi, coli, renum, & aliorum viscerum persanat.

DIAPHOENICON

Mesuae.

R Dactylorum Citrinorum enucleatorum, ac tribus diebus in aceto maceratorum, ante infusionem ponderatorum, drachmas quinquaginta, id est, uncias sex & drachmas duas.

Penidiorum drachmas viginti quinque, id est, uncias tres & drachmam.

Amygdalarum dulcium drachmas quindecim.

Turbith electi drachmas septemdecim. se.

Diagrydii drachmas sex. (mis.)

Zingiberis,

Piperis longi,

Foliorum Rutæ siccatorum.

Cinamomi,

Macis,

Ligni Aloës,

Anisi,

Foeniculi,

P 4

Dan-

Dauci,

Galangæ ana. scrupulos quatuor.

Mellis despumati triplum, seu libras tres,
vncias vndecim & drachmas quinq;

Fiat Electuarium.

Electuarium hoc, quod (ut Mesuæ refert)
descripsit filius Zazar, febribus compositis &
diuurnis auxiliatur: bilem namq; flauam & pi-
ruitam sine molestia educit. Ventriculi item do-
loribus, & id genus vitii ex crudis humoribus or-
tis confert, ventris inflationes tollit, nec non ob-
structiones expedit.

DIAPHOENICON

Fernelii.

⚭ Pulpæ Palmularum mundatarum ex Hydro-
melite coctæ & cribro cretæ,

Penidiōrum recentium. ana. libram semis.

Amygdalarum expurgatarum vncias tres
semis,

Contusis & permixtis omnibus adde

Mellis expumati libras duas.

Paulūm coquantur, ac deindē insperge

Zingiberis,

Piperis,

Macis,

Cinamomi,

Foli-

Foliorum Rutæ siccorum,

Sem. Fœniculi,

— Dauci. ana. drachmas duas.

Turbith tenuissimè triti vncias quatuor,

Diagrydii vnciam vnam semis.

Fiat Electuarium.

Compositio Electuarii Diaphœnici ob Dactylos in aceto infusos alioquin parum gratam doctissimus, & ob præstita in Rempub. Medicam beneficicia non sine magna laudis præfatione nominandus. Vir D. D. Fernelius in hanc formam transtulit: ac non modo ob palmulas in Hydromelite coctas iucundior em, sed etiam ob auctam imò ferè duplicatam Turbith ac Diagrydii quantitatem priore efficacior em reddidit, unde et minori Dosi exhibitâ, priore potentius aluum soluit. Quâ quoniam Medicis nostris usitata existit, eandem huic Pharmacopœia inserendam esse censuimus.

DIAPRUNIS SOLV- tium Nicolai.

Diaprunis Lenitiui adhuc recentis & calidi libras quatuor.

Scammonæ præparatæ, seu Diagrydii vncias duas.

Misce.

P s

Con-

Confert morbis à bile genitis, in febribus tamen, maxime vero continuis, ab eius usu cauendum.

ELECTVARIVM DE Pſyllio Montagnanæ in Conſi- liis fol. 226. in Antid. c. 19.

℞ Polypodii recentis libram,

Senæ,

Violarum,

Prunorum.

Tamarindorum,

Paſſularum. ana. vncias tres.

Aquæ fontis libras decem.

Macerentur horis viginti quatuor, poſtea decoquantur ad medietatem; colentur & exprimantur: colaturæ libra vna ſemis reſeruetur pro diſſolutione Caſſiæ & Tamarindorum. Reſiduo adde

Sem. Pſyllii vncias tres.

Macerentur rursus totidem horis, ſemper agitando: poſt expreme mucilaginem, cui adde Sacchari libras quatuor.

Decoquantur iterum lento igne, & adde

Pulpæ Caſſiæ,

Tamarindorum diſſolutorum cum prædictâ decoctione ana. libram ſemis.

Dia-

Diagrydii vncias quatuor.

Spodii de Ebore,

Rhabarbari,

Santali albi,

Rubei,

Rosarum rubearum,

Violarum,

Sem. Papaveris albi,

Portulacæ,

Endiuia,

Scariolæ,

Lactucæ,

Fœniculi,

Anisi,

Berberorum,

Fumiterræ,

Tragacanthæ,

Amyli,

Gummi Arabici,

Rasuræ Eboris,

Glycyrrhizæ ana. drachmas tres.

Myrobalanorum Indorum,

Emblicorum ana. drachmas quinque

semis.

F Lauam bilem educit, eius feruorem temperat, & febribus ardentibus auxiliatur: dolori capitis & vertigini à biliosorum humorum

causa-

*evaporationibus procreata, morbo Regio, acic-
cori supra modum calefacto succurrit.*

Diagrydium per se tritum, ac Spodium &
Rasura Eboris tenuissimè puluerisata re-
liquis simul conterendis misceantur, & cribro
transmissa decocto ad iustam consistentiam
redacto paulatim inspergantur, fiatq; Electua-
rium, vt est artis.

ELECTVARIV MR O- satum, Mesuæ.

❖ Succī Rosarum rubearum perfectarum li-
bras quatuor.

Sacchari optimi libram vnā semis.

Coquantur lento igne ad Mellis consistentiā
deindè adde

Mannæ electæ succo Rosarum dilutæ vn-
cias sex.

Ferueant simul paululum; deindè bene tritis,
& per cribrum transmissis adde

Diagrydii vnciam vnā semis.

Trochiscorum de Spodio vnciam vnā.

Trochiscorum de Berberis vnciam semis.

Galliæ Moschatæ veræ,

Croci ana. drachmas duas.

Fiat Electuarium, vt est artis, quod in vase vi-
treo repositum assuetur.

Cho-

Cholagogum hoc salubre est biliosis affectibus, Arthritidi calide, Cephalalgia, Vertigini, oculorum dolori Ictero. Sanguinis quoq. feruorem biliosum expurgat.

Paratur etiam Medicamentum hoc sine Galliâ, partim pro iis qui Galliæ odorem non ferunt.

ELECTVARIVM E succo Rosarum, Ni- colai.

xx Succi Rosarum rubearum,
Sacchari albi ana. vncias sedecim,
Scammonii præparati vnciam vnâ semis.
Santali Rubri.

Albi,

Citrini ana drachmas sex.

Spodii de Ebore drachmas tres.

Camphoræ scrupulum vnum.

Succus Rosarum cum Saccharo ad iustam consistentiam coquatur, deindè tritæ Species adiiciantur.

Commendatur ad omnes affectus, in quibus bilis flaua redundat, aut biliosi ichores pecant. Conualescentes ex egritudine, Quotidianos & Tertianarios sine molestia purgat, malignorumq. humorum reliquias potenter educit.

Ter-

Tertiana simplici, duplici, febribus biliosis, malisq; omnibus à calore natis predest. Præbetur in calidis capitis affectibus, ad purgandam materiam calidam & biliosam.

Modus confectionis hic est. vt Succus Rosarum cum Saccharo in Syrupi consistentiâ percoquatur, cui postmodum inspergatur Santalâ in puluerem redacta, itemq; Spodium tritum Postremò addantur Diagrydium & Camphora, quorum vtrumque per se ac seorsim puluerisatum prædictis admisceatur, & fiat ex lege artis Electuarium.

ELECTVARIVM DIA- sebesten, Bartholomæi Montagnagnæ.

- ℞ Sebesten sine nucleis,
Prunorum siccorum enucleatorum,
Pulpæ Tamarindorum. ana. vncias quin-
que.
Aquæ Violarum librâ vnam.
Ireos,
Succi Anguriæ. ana. vncias s̄x.
Succi Mercurialis depurati vncias qua-
tuor.
Penidiorum vncias octo.
Sem. excorticatorum

Cucu-

Cucumeris,

Cucurbitæ,

Melonum,

Citruli. ana. vncias duas.

Diagrydii drachmas tres.

Coquantur Tamarindi, Sebesten, & Pruna in aquis stillatitiis, & dissoluta commisceantur cum succis, addendo Diapruni Simplicis, seu Pulpæ Prunorum libram vnam semis. Postea addantur Penidia, & his dissolutis Diagrydiū & reliqua commisceantur, ac fiat Electuarium.

Confert febribus biliosis interpolatis ac continuis exquisitis, quarum vehementiam sedat: sitim extinguit, vigilas arcet, & acres humores per urinam educit. Datur à Drachmis quatuor ad decem, vel plures in robustis.

ANguria, quæ Hetruscorum est Cucumis in ventrem crescens (quæ alioquin Albateca, Batega, & Melon Indus dicitur) nobis deest: pro eius igitur succo aquam Melonum stillatitiam substituimus.

Aliqui, nec sine ratione, ex Seminibus frigidis Electuarium hoc ingredientibus emulsionē parant, quam cum Penidiis decoctā Compositioni postmodum indunt, ac cum cæteris ad iustam Electuarii consistentiam reducunt.

DIA-

DIASENA NICO-
L A I.

✱ Senæ vncias tres.

Auellanarum tostatarum numero quinquaginta.

Serici tosti drachmas duas.

Lapidis Armeni loti drachmam vnam,

Lazuli loti drachm. tres.

Sacchari vncias sex.

Cinamomi vnciam vnam.

Caryophyllorum,

Galangæ,

Piperis,

Spicæ Indicæ,

Seminis Ocymi,

Foliorum, Caryophyllorum, aut Macis, vel

Castiæ lignæ veræ,

Cardamomi,

Croci,

Zingiberis,

Zedoariæ,

Florum Rorismarini,

Piperis longi ana. drachmas duas.

Mellis despumati libras duas.

Misce, fiat Electuarium.

Melan-

M Etancoholicis , Maniacis, tristitia ac morore affectis , Lienosis , scabie , Elephantiasi , & Quartana laborantibus , atq; insuper omnibus noxis ex atra bile natis medetur.

PRO Lapide Armeno , de quo magna est inter autores controuersia , Lapis Cyaneus vel Cæruleus, vulgaritèr Lapis Lazuli dictus , rectè hic nostrâ opinione substituitur, vt qui magnam cum Armenio cùm ratione originis , tum virium affinitate cognitionem habeat. Eligendus est autem Lapis Lazuli aureis maculis distinctus , seu in cuius fracturis radiantes quædam, ac splendentes aureæ stellæ scintillant , vnde à Mesuæo lapis stellatus vocari meruit: cuius, prout & Serici præparatio, infra & suo loco tradetur.



Q

MEDI.